

Vorrede Vitruuij an den Groß-

mechtigsten Keyser Augustum / in das

x. vnd letzte Buch der Architectur

Vitruuij.



an schreibt/wie vor vil Jaren in der für/
nemen/herrlichen vnd grossen Statt Grie-
chen Lands zu Epheso / ein vast alt Gesetz
gegeben wordē sey / vast schwer vnd hart/
also das es nicht wol zu leiden / aber doch
der billigkeit nicht so gar vngemes / dann
es also gehalten ward. So ein Bawmeister
ein gemein Werck zuuolführen sich vnderna-
me/musste er anzeigen/was vnkostens Ge-
wand werden solt zuuolbringung desselbigen Bawf. Wann er sol-
ches vberschlagen/vnd sein meinung vnd beduncken angezeigt het-
te / wurden alle seine hab vnd güter dem Magistrat vnd Oberkeit
eingesetzt oder verpfendet vnd obligiert / so lang bis das gemelter
Baw volbracht ward/als dan wo die Rechnung des auffgange-
nen vnkostens sich mit der angezeigten Summa vergliche / dienet
solches gemeltem Architecto oder Bawmeister zu grossen Lob vñ
hohen Ehren. Wo aber allein der vierte theil des auffgelassenen
vnkostens sich weiter trass/vnnd so vil mehr auffgelauffen was
dann der Bawmeister angezeigt het/warde er darumb mit gestraf-
fet/sonder solche Summa von gemeinem Kasten erlegt. Wo aber
solche Summa weiter reichet vber den vierten theil / must er das-
selbig von seiner eignen Hab vnnd Gütern erlegen. Vnnd wolt
Gott das bey den Römern dieses gesetz nicht allein in gemeinen/
sonder auch in sonderlichen Gebewen zu halten auch gegeben vnd
erkennt wer/dann dardurch wurden die vnuerstendige/vnerfar-
nen Bawmeister eingezogen/vnnd ihres freueln vnuerstands hin-
derhalten/vnnd diese Kunst der Architectur allein von den erfar-
nen Architectis so mit vilfeltiger Kunst vnnd wissen begabt ge-
braucht werden/dardurch möcht man auch verhüten/den grossen
mercklichen vnnd etwan vnglaublichen vnkosten / in welchen die
Burger vnnd Einwohner vnbillicher weis etwan geführt wer-
den/vnnd dardurch von Hab vnnd Gut kommen. Es würde
auch die forcht der Straff/solche Bawmeister erschrecken vnnd
zwingen/das sie ihren sachen mit grossen ernst vnd höherem fleis
nachtrachten würden/vnnd mit scharpffer rechnung vberschla-
gen

ff ij gen